

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan



### ПРЕЗИДЕНТИМИЗ ТУРКИЙ ДАВЛАТЛАР ТАШКИЛОТИНИНГ ФАВКУЛОДДА САММИТИДА ИШТИРОК ЭТАДИ

Ўзбекистон Республикаси Президенти Шавкат Мирзиёев Туркия Республикаси Президенти Режеп Таййип Эрдоғаннинг таклифига биноан Туркий давлатлар ташкилотининг фавкулодда саммитида иштирок этиш учун 15 март куни амалий ташиф билан Анкара шаҳрига борди.

Бугун, 16 март куни Президентимиз Туркий давлатлар ташкилотининг фавкулодда саммитида иштирок этади.

Навбатдан ташкари саммитнинг кун тартибига мувофиқ, фавкулодда вазиятларни бошқариш ва гуманитар ёрдам кўрсатиш борасида кўп томонлама ҳамкорликни ривожлантириш, шунингдек, табиий офатларнинг олдини олиш ва оқибатларини бартараф этиш бўйича савий-ҳа-ракатларни мувофиқлаштириш истиқболлари кўриб чиқилди.

### ШАВКАТ МИРЗИЁЕВ БМТ БИЛАН ИНСОН ҲУҚУҚЛАРИ СОХАСИДАГИ ҲАМКОРЛИКНИ КЕНГАЙТИРИШ МУҲИМЛИГИНИ КАЙД ЭТДИ



Ўзбекистон Республикаси Президенти Шавкат Мирзиёев 15 март куни БМТ Инсон ҳуқуқлари бўйича Олий комиссари Фолькер Туркни қабул қилди.

Инсон манфаатларини илгари суриш ва ҳуқуқларини ҳимоя қилиш масалаларида Ўзбекистон билан БМТ тузилмалари ўртасидаги конструктив мулоқот ва амалий ҳамкорликни янада ривожлантиришнинг долзарб масалалари муҳокама қилинди.

### ТОШКЕНТ МЕТРОСИДА ПЕНСИОНЕРЛАРГА БЕПУЛ ХИЗМАТ КЎРСАТИЛАДИ



2023 йил 1 апрелдан бошлаб Тошкент метрополитеннинг тўлиқ фаолият кўрсатиши вақти давомида пенсия олувчиларга бепул хизмат кўрсатилади. Бу ҳақда Президентнинг 15 март куни тегишли қарори қабул қилинди.

### 2026 ЙИЛГАЧА ЎЗБЕКИСТОНДА 25 ТА ЗАМОНАВИЙ ЭЛЕКТР СТАНЦИЯ ИШГА ТУШИРИЛАДИ



Охириги 4 йил ичида юртимизда генерация қувватларини ошириш мақсадида халқаро компаниялар билан умумий қиймати 10 миллиард 148 миллион долларга тенг, умумий қуввати 11 954 МВт бўлган 25 та электр энергиясини сотиб олиш шартномалари ва инвестиция битимлари имзоланди.

Мазкур битимларга кўра, 2026 йил якунига қадар юртимизда умумий қуввати 11 954 МВт бўлган 25 та электр станция (9 та иссиқлик, 9 та қуёш ва 7 та шамол электр станция) ишга туширилади.

Бу Ўзбекистонда амалдаги электр энергиясини ишлаб чиқариш ҳажминининг 60 фоиздан ортигини ташкил қилади, дейилади Энергетика вазирлиги матбуот хизмати хабарида.

### ЖЕНЕВАДА ЎЗБЕКИСТОННИНГ ЖСТГА АЪЗО БЎЛИШИ МАСАЛАСИ КЎРИБ ЧИҚИЛМОҚДА

Шу кунларда Ўзбекистон Республикаси Бош вазيري ўринбасари Жамшид Хўжаев бошчилигидаги делегация Швейцариянинг Женева шаҳрида амалий ташиф билан бўлиб турибди. Аниқ вақтга қадар режага кўра, халқаро ташкилотлар вакиллари билан бир қатор учрашувлар ўтказилди.

Хусусан, Ж.Хўжаев Жаҳон савдо ташкилоти Бош директори Нгози Окунжов-Ивеала билан музокара ўтказди.

## Президент ташрифидан сўнг...

### Жиззах вилояти

**Президентимизнинг Жиззах вилоятига ташрифи воҳа иқтисодиётини янада ривожлантиришга, аҳолининг турмуш фаровонлигини ошириш истиқболларига жуда катта туртки берди. Зеро, давлатимиз раҳбари ҳудуддаги sanoat зоналари ҳақида сўз юритар экан, масъулар олдиға 80 миллион долларлик инвестиция эвазига барпо этиладиган электромобиль заводини сентябрь ойида ишга тушириш вазифасини қўйди. Бу келгусида вилоят иқтисоди янада раванқ топишидан, «Яшил иқтисодиёт»га бошқичма-бошқич ўтиш устувор йўналишлардан бирига айланишидан далолат беради.**



Жиззахда йирик қуёш станцияси қурилиши бошланди

Шу боис бугунги кунда ҳудудда энергия тежамкорлигига эришишга, қайта тикланувчи, муқобил энергия манбаларидан фойдаланишга алоҳида эътибор қаратиляпти. Чунончи, ижтимоий соҳа ва давлат идоралари биноларини 5 мегаваттлик қуёш панеллари билан жиҳозлаш мўлжалланяпти. Айни мақсадда банклар иштирокида алоҳида компания ташкил қилиняпти. У 5 миллион доллар ҳисобига 250 та бинога қуёш панеллари ўрнатиб, барчасини «яшил энергия» билан таъминляпти. Саноат зонаси ва тadbirkorлар биноларига эса 15 мегаваттлик қувватлар жойлаштириляпти. Tadbirkorларга банклар томонидан 100 миллион сўм миқдорида кредит ресурслари ажратилади.

Хозир Жиззах давлат педагогика университетида ҳам қуёш панеллари мавжуд бўлиб, улар муассасанинг электр энергиясига бўлган эhtiежини қондирмоқда. Укув биноларига ўрнатилган жами қиймати 1 миллиард 360 миллион сўмга тенг 189 та қуёш панели бир йилда 18 миллион сўм маблагни тежаш имконини бериши кутилмоқда.

Эндиликда фермер хўжаликларига деҳқон уйлари ҳам шундай усуналар билан таъминланади. Tadbirkorларнинг ўз эhtiежлари учун 5, 10, 15 мегаваттлик қуёш станциялари қуриш ташаббуслари ҳам қўллаб-қувватланади.

Бултур вилоятда электр етишмовчилиги 123 миллион киловатт соатга етди, 2023 йилда бу рақам 156 миллион киловатт соат бўлиши кутилмоқда. Шунга кўра, 10 миң километрик ирригация тармоқлари ва каналлар имкониятидан фойдаланилиб, 3 мегаваттлик микро-ГЭСлар қуриш бошланади.

«Яшил энергия» соҳасида йирик лойиҳалар ҳам амалга оширилиши режалаштирилган. Жумладан, Фаллаоролда Бирлашган Араб Амирликлари «Масдар» компаниясининг 200 миллион долларлик тўғридан-тўғри инвестицияси эвазига 220 мегаваттлик йирик қуёш станцияси ишга тушириляпти. 600 гектар майдонни эгаллайдиган ушбу иншоот қурилишида айни кезларда 200 нафар бинокор қатнашмоқда. У тўлиқ қувватда ишлаб бошлагач, истеъмолчиларга ҳар йили 1 миллиард киловатт соат электр энергияси етказиб беради.



Муқимбой ИСМОИЛОВ «ISHONCH»

### Тошкент шаҳри



### Мусобақа

## Касаба уюшмаси кубоги: СОҒЛОМ ТУРМУШ ТАРҒИБОТИ

Шу кунларда Ўзбекистон касаба уюшмалари Федерацияси ташаббуси билан юртимизнинг барча ҳудудларида ўқитувчи ва мураббийлар ўртасида «Беш ташаббус олимпиадаси» доирасида «Соғлом танда – сифатли таълим» шiori остида Касаба уюшмаси кубоги спорт мусобақасининг туман ва шаҳар bosқичи бўлиб ўтмоқда.













